



Pranuar / Dorezuar Primjeno/Prodato Received/Delivery	12.06	2023	3	vit Year
Organ /Njesia Organ./Jedinica Org./Unit	Nr Prot Br Prot Prot No	Shtojta Prilog Appendix	Sasia Kolicina Quantity	
KPM SHCK	1413/2023		114	



Republika e Kosovës  
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.652/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Arben Mehmeti dhe Ardita Haxhnikaj Demi-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.652/2023 të datës 18.04.2023 të ankuesit me adresë pune: Komuna e Lipjanit, kundër Vendimit Nr.08/27-363-2023 të datës 03.04.2023 të Komisionit për Zgjidhjen e Kontesteve dhe Ankesave të Komisionit Qendror të Zgjedhjeve, në çështjen juridike "kontestim konkursi" duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.5 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, neni 103 paragrafi 1 të Ligjit Nr.05/L-031 për Procedurën e Përgjithshme Administrativ dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 12.06.2023, mori këtë.

V E N D I M

Përfundon procedimi administrativ i filluar sipas ankesës me numër me numër A.nr.652/2023 e datës 18.04.2023, e parashtruar nga ankuesi

A r s y e t i m

Ankuesi sipas shkresave të lëndës i punësuar në kuadër të Komunës së Lipjanit, me datë 18.04.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit Nr.08/27-363-2023 të datës 03.04.2023 të Komisionit për Zgjidhjen e Kontesteve të Komisionit Qendror Zgjedhor, kundër procedurës së zhvilluar për konkursin e shpallur për pozitën "Zyrtar i Lartë Komunal i Zgjedhjeve në Lipjan" nga Komisioni Qendror i Zgjedhjeve, (tani e tutje KQZ).

Këshilli i Pavarur Mbikëqyrës për Shërbimin Civil të Kosovës (me tej KPMSHCK) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 28.04.2023 ka proceduar kërkesën për përgjigje në ankese te KQZ, ndërsa me datë

12.05.2023, KPMSHCK-ja ka pranuar përgjigjen në ankesë se bashku me shkresat lidhur me çështjen në procedurë.

Kryetari i Këshillit, bazuar në dispozitat e nenit 17 paragrafi 2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, sipas kërkesës së Kryetarit të Kolegjit, me datë me 31.05.2022 ka nxjerrë Vendimin VK/2023 më numër prot:4565/2023, përmes të cilit, ankesës së ankuesit ia ka vazhduar afatin e vendimmarrjes lidhur me këtë çështje ankimore edhe për dhjetë (10) ditë pune.

Kolegji për Shqyrtimin dhe Vendosjen e Ankesave për vendosje meritore, ka administruar këto prova: Ankesën A.nr.652/2023, e datës 18.04.2023 të parashtruar në Këshillin e të Pavarur Mbikëqyrës për Shërbimin Civil të Kosovës; Konkursin e shpallur nga KQZ të datës 31.01.2023; Aplikacionin e ankuesit të datës 02.02.2023; Deklaratën e ankuesit të datës 02.02.2023; Kopjen e letërnjoftimit të ankuesit; Çertifikatën e datës 02.02.2023 lëshuar nga Sistemi Qendror i Evidencës Penale të Këshillit Gjyqësor të Kosovës; Diplomën e ankuesit të datës 14.07.2021 me numër:516/45-64; Diplomën e ankuesit të datës 06.08.2007 me numër:217; Akt emërimit e ankuesit të datës 03.03.2012 me shifër: Nr.1-111-255; Formularin e vlerësimit të rezultateve në punë për ankuesin i datës 08.01.2023; Formularin e vlerësimit të rezultateve në punë për ankuesin i datës 31.12.2021; Çertifikatën e ankuesit e lëshuar nga USAID; Çertifikatë e datës 09.10.2015; Çertifikatë e datës 09.09.2015; Çertifikatë e datës 20.12.2009; Çertifikatë e datës 15.02.2010; Mirënjohjen e datës 31.12.2014; Vërtetimin e datës 15.03.2023; Njoftimin e detyrës 14.03.2023 të Njësisë së Burimeve Njerëzore të KQZ-së; Ankesën e ankuesit të datës 15.03.2023; Vendimin Nr.08/27-363-2023 të datës 03.04.2023 të Komisionit për Zgjidhjen e Kontesteve dhe Ankesa; E-mailin e datës 18.04.2023 dërguar nga ankuesi në Këshill; Kërkesën për përgjigje në ankesë të datës 28.04.2023; Njoftimin për vazhdimin e afatit të konkursit; Vendimi për themelimin e komisionit përzgjedhës i datës 02.03.2023; Raporti i Kryesuesit të Komisionit përzgjedhës mbi përgatitjen e listës së ngushtë i datës 07.03.2023; Aplikacionin e kandidatës i datës 03.02.2023 me dokumentacionin e bashkangjitur; Vërtetimin e lëshuar nga Procredit Banka Kosovo i datës 01.09.2015; Shkresën e datës 04.01.2023 lëshuar nga FINCA i datës 04.01.2023; Shkresën e datës 30.06.2023 lëshuar nga FINCA i datës 04.01.2023; Aplikacionin e kandidatit i datës 08.02.2023 me dokumentacionin e bashkangjitur; Aplikacionin e kandidatës i datës 10.02.2023 me dokumentacionin e bashkangjitur; Vërtetimin e lëshuar nga KQZ për periudhën nga 02.09.2021-30.11.2021; Vërtetimin e lëshuar nga KQZ për periudhën nga 15.01.2021-10.03.2021; Vërtetimin e lëshuar nga KQZ për periudhën nga 10.09.2019-10.11.2019; Vërtetimin e lëshuar nga KQZ për periudhën nga 17.05.2017-15.11.2017; Vërtetimin e lëshuar nga KQZ për periudhën nga 30.08.2009-30.08.2011; Vërtetimin e datës 30.11.2014 lëshuar nga DPT Motori; Kontratë pune e datës 01.10.2021 lëshuar nga DPT Motori; Vërtetimin e lëshuar nga KQZ për periudhën nga 30.08.2009-30.08.2011; Vërtetimin e lëshuar nga Dukagjini i datës 25.05.2009; Aplikacionin e kandidatit i datës 10.02.2023 me dokumentacionin e bashkangjitur; Formularin e Vlerësimit të rezultateve në punë i datës 19.12.2022 dhe të datës 22.06.2021 lëshuar nga Elektriika Mont-Lipjan; Vërtetimin e datës 19.12.2022; Aplikacionin e kandidatit i datës 09.02.2023 me dokumentacionin e bashkangjitur; Aplikacionin e kandidatit i datës 13.02.2023 me dokumentacionin e bashkangjitur; Aplikacionin e kandidatës i datës 10.02.2023 me dokumentacionin e bashkangjitur; Referencën e datës 07.02.2023 lëshuar nga UBT; Referencën e datës 30.10.2015 lëshuar nga MaxiHipermarket; Aplikacionin e kandidatës i datës 14.02.2023 me

dokumentacionin e bashkangjitur; Aplikacionin e kandidatit i datës 14.02.2023 me dokumentacionin e bashkangjitur; Formularët Form.KQZ-R-08a për vlerësimin individual të kandidatëve nga anëtarët e Komisionit; Formulari Form.KQZ-R09 për përmbledhjen e vlerësimeve individuale; Formularin Form.KQZ-R-09 për renditjen përfundimtare të kandidatëve; Raporti Final i rekomandimit i datës 27.03.2023; Njoftimin për kandidatin e suksesshëm i datës 28.03.2023; Ankesën e ankuesit të datës 16.03.2023 të parashtruar në KQZ; Vërtetimin e lëshuar nga Njësia e Burimeve Njerëzore të Komunës së Lipjanit i datës 15.03.2023; Akt emërimit e ankuesit të datës 01.05.2012; Parashtrësja e ankuesit e datës 07.06.2023.

Kolegji për shqyrtimin dhe vendosjen e ankesave, për vendosjen e kësaj çështje, pasi ka shqyrtuar të gjitha shkresat e bashkangjitura të lëndës, ka konstatuar se ankesa e ankuesit është e *bazuar*, sepse:

Kolegji për Shqyrtimin dhe Vendosjen e Ankesave bazuar në shkresat e lëndës të parashtruara nga palët në procedurë, ka gjetur se Komisioni Qendror i Zgjedhjeve përmes konkursit të datës 31.01.2023 ka shpallur konkursin publik për gjashtë (6) pozita të lira, prej tyre edhe pozitën me shifër "KQZ-06/2023-Zyrtar i Lartë Komunal i Zgjedhjeve në Lipjan", ndërsa sipas aplikacionit të datës 02.02.2023 konstatohet se në këtë konkurs për pozitën e lartcekur ka aplikuar edhe kandidati tani e tutje në cilësi të ankuesit.

Ankuesi me datë 18.04.2023 kishte parashtruar ankesë në këshill kundër përgjigjes së Njesisë së Burimeve Njerëzore, gjegjësisht kundër Vendimit Nr.08/27-363-2023 i datës 03.04.2023 të Komisionit për Zgjidhjen e Kontesteve dhe Ankesave të Komisionit Qendror Zgjedhor, mirëpo ankuesi me datë 07.06.2023 përmes e-mailit i është drejtuar Këshillit me parashtrësë e protokolluar me numër:4612/2023 përmes së cilës ankuesi e thekson faktin se i njëjti tërhiqet nga ankesa e parashtruar me datë 18.04.2023 në Këshill, kundër Vendimit Nr.08/27-363-2023 i datës 03.04.2023 të Komisionit për Zgjidhjen e Kontesteve dhe Ankesave.

Prandaj nga se u tha si më lartë, pas rrethanave të krijuara juridike, Kolegji i Këshillit ka analizuar dispozitat e nenit 103 paragrafi 1 të Ligjit Nr.05/L-031 për Procedurën e Përgjithshme Administrative ku përcaktohet se: "1. Një procedurë administrative e nisur sipas kërkesës, përfundon nëse pala që e ka bërë kërkesën e tërheq atë.", andaj mbi këtë bazë është konstatuar fakti se procedimi administrativ i iniciuar sipas ankesës së ankuesit të datës 18.04.2023 duhet të përfundojë, pasi që pala përmes parashtrësës së datës 07.06.2023 me numër protokolli 4612/2023 e ka tërhequr ankesën përmes së cilës ka filluar kjo procedurë administrative.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.5 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe nenit 103 paragrafi 1 të Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Ky vendim hyn në fuqi ditën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Iniciimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
Lënda me numër A.nr.652/2023

Flakron Gashi

Zyrtar i Lartë për Bashkëpunim Profesional

Eshref SHABANI

Kryetar i Kolegjit



**Vendimi i dërgohet:**

- Ankuesit
- Kryeshefit Ekzekutiv të Sekretariatit të Komisionit Qendror të Zgjedhjeve;
- Udhëheqësit të Burimeve Njerëzore në Komisionin Qendror Zgjedhor, dhe
- Arkivoit të KPMSHCK-së.

